
Маҳалла ёшлари “Ҳоким кубоги” мусобақасида беллашмоқдалар

Аввал хабар берганимиздек, Ўзбекистон тумани маҳаллаларидағи ёшлар ўртасида спортнинг мини футбол ва волейбол турлари бўйича туман ҳокими кубоги мусобақалари бўлиб ўтмоқда.

Худудлардаги спорт майдонларида 18 ёшдан 30 ёшгача бўлган маҳалла йигитлари мини футбол бўйича, айни шу ёшдаги хотин-қизлардан иборат жамоалар эса волейбол бўйича секторлар кесимида ўзаро беллашмоқдалар.

Бугун Қўрғонча маҳалла фуқаролар йиғинидаги сунъий қопламали майдонда 1-сектор ҳудудидаги “Кичик Оқмачит”-“Ислом”, “Бегобод”-“Зиё Нурсух” ва “Пасткиқўриқ”-“Оқмачит” маҳаллалари ёшларидан иборат жамоаларнинг ўйинлари бўлиб ўтди.

Қизиқарли ва муросасиз кечган учрашувларда қуйидаги натижалар қайд этилди.

“Кичик Оқмачит” - “Ислом” 9:0

“Бегобод” - “Зиё Нурсух” 5:6

“Пасткиқўриқ” - “Оқмачит” 0:0 (пенальтилар бўйича - 2:1)

Маҳаллалардаги ёшлар иштироқида “Ҳоким кубоги” баҳслари давом этмоқда.

2023-02-28 20:56:32